

《風月書生》

容顏半醉鬧三更，滿紙荒唐寫不成。

莫笑秦樓尋艷客，明朝束髮一儒生。

《老婦吟》

幾度殘妝對月鉤，枯黃老婦守殘樓；

紅顏自古如名將，不許人間見白頭。

《放歌行》

春波碧草凝紅杏，滿地香風送落英。

向晚迎來新柳色，青春作伴縱歌行。

《醉墨行書》

霜寒月色映秋棠，滿腹相思醉愈狂；

拈指凝來能作墨，丹青入筆寫蒼茫。

《鷓鴣天》

兀自輕狂縱少年，隻身陷陣力爭先。擎弓欲射蒼穹闕，仗劍凌虛太上顛。
逐野火、漫烽煙，干城壯士志沖天。長河萬里千秋月，大好男兒任在肩。

《長相思》

雨不休，恨不休，暗醉紅顏暗嘆秋，風吹幾許愁。
霧乍收，淚乍收，淡看江湖淡忘憂，長歌倚小樓。

《清平樂》

殘陽乍暖，倦鳥歸故館。手攬落花閒步緩，卻嘆春池夢短。
瓊樓獨倚危欄，幾回縱飲貪歡。冷對紅塵淡看，月色淒楚微寒。